

Coordination des Associations culturelles nationales



Association pour la Promotion de la
Langue Wolof en République Islamique
de Mauritanie (APROLAWORIM)
tel : 22 46 29 72



Association pour la Renaissance
du Pulaar en République
Islamique de Mauritanie (ARPRIM)
tel : 46 96 19 58



Association Mauritanienne pour la
Promotion de la Langue et de la
Culture Sooninké (AMPLCS)
tel : 46 40 03 69

Bayyinaango : ngonan–den ko dawrugol demde ngol joñaani hay demngal gootal, gaddotoongol mahondiral renndo e keewal pine nder Muritani.

Jokkorde Pelle pinal – renndinnde Fedde Bamtaare Pulaar he Muritani (FBPM), e Fedde Bamtaare Demngal e Pinal Sooninke (AMPLCS) e Fedde Bamtaare Demngal Wolof (APROLAWO) – ine wondi e ngoy'a mawka sabu yeewtere faatunde e darnde demde he Muritani.

Wadi noon, ko won diin miijooji e hujjaaji kaaleteedi ine mbaawi bonnande hakkeji pinal e demngal Muritaninaabe heewbe. Adi mbaawi beydaade leefnude mahondiral renndo, nder leydi nganndiraandi keewal demde e pine.

Yanti heen, diin miijooji keertinooji ine luulndii yiannde Doosgal leydi Muritani kam e nanondire hakkunde leyde de Muritani jeyaa, haa arti noon e :

- Nanondiral UNESCO ngal 2005, paatungal e ndeenka e bamtugol keewal pine, baawnowal dowlaaji dii wallitde keewal demde, e gaddaade kuutoragol demde dente dee nder jande e jaayde e njuubudi laamu ;
- Piibondiral hakkunde leyde paatungal e hakkeji siwil e politik (kuulal 27), kebtinangal demde dente dee kala hakke « huutoraade demde mum en keeriide » ;
- Doosgal Afrik paatungal e hakke aadee e besnguuji (kuulal 17), gaddaningal leñol kala hakkeji mum pinal e demngal e yellitaare mum en.

Ko dee jeewte baawde jibinde jilbooje kaaɓniide ngaddani Jokkorde Pelle Pinal ɗaɓɓude dewgol dawrugol demde ngol joñaani hay demngal gootal, tuugingol he kebttingol potal demde ngenndiije dee kala, ngam teentinde nuundal, e kormondiral, e ndimaagu ndenndaangu. Duum noon laatortoo tan ko he :

1. Laawɗinirgol laatingol pulaar e sooninkoore e wolof laawol sariya laaɓtungol, dottowol darnde e lowre e kuutoral heen demngal kala ;
2. Jaajtingol jaawngol jande demde ngenndiije nder duɗe laamu tokoose dee kala, hono no beto BREDA/UNESCO e hitaande 1984, e ngo Jaagordu jande ngenndi e hitaande 1988, mbagginirnoo dum nii. Dum doo noon ko geɗal teentungal nder compugol jande moyƴere, nde joñaani hay gooto, jande nuundunde ;
3. Yellitgol keewal demde jahdungol, dokkowol kadi demde tumarankooje faayiida – ko wayi no farayseere e engeleere – no demde gollorde, demde janngirde, demde udditaare he aduna.

Efen njenanaa, Muritani waawata mahde ngootaagu ngenndi nduumotoongu tan, ko nde hormii ndimaangu demde leyŷi mum kala. Laawɗinde demde ngenndiije dee kala, ko heɓtinde potal biileydaagu Muritaninaabe kala.

Ko duum addani Jokkorde Pelle Pinal daɓɓude Ielnugol dawrugol demde nuundungol, ngol joŋaani hay demngal gootal, nawrowol yeeso, sibu ko duum tan waawi gaddaade nguurdiigu janngo nduumotoongu, nder deeyre e mahondiral.

Nuwaasoot, ñalnde 20 mee 2025

Jokkorde Pelle Pinal